

生死煩惱一時斷壞。故唯說未顯眞實。不明六界互具。故不可出者。此難甚不可也。六界互具者。即可十界互具。何者。權果心生者。六凡差別也。觀心生何無四聖高下乎。第三重難云。所立義誠似有道理。委檢二代聖教前後。不起法華本門竝觀心智慧者。不成圓佛。故實凡夫不得權果。所以彼外道出五天竺。立四顛倒。如來出世爲破四顛倒說苦空等。此則爲破外道迷情。是故破外道我見而住無我。如捨火以隨水。堅執無我而斷見思。謂出六道。此迷根本。故住色心俱滅之見。大集等經經說斷常二見是也。例如有漏外道自念得道望無漏智。未出三界。不值佛教。而出三界者。無有是處。小乘二乘亦復如是。鹿苑施小之時。離外道我住無我見。不改此情。四十餘年止宿草菴之思。無暫離時。又於大乘菩薩。雖談心生十界。而不論心具十界。又或時者。斷盡九界色心。進佛界一理。是故自念。斷盡三惑。離變易生。應生寂光。然滅九界。是則斷見也。進昇佛界。卽爲常見。欲滅九界色心。常住豈非迷惑九法界乎。又妙樂大師云。但言觀心。則不稱理文。此釋意者。小乘觀心。不稱小乘理耳。又天台文句第九云。七方便竝非究竟滅。已。此釋是云。爾前三教菩薩。實不成佛也。但雖說未顯眞實。許三乘得道。雖說正直捨方便。而云見諸菩薩授記作佛者。於天台宗有三種教相。第二

①生十(者)②前=先③我=我又ハ邪④隨=墮⑤變=反⑥則=卽⑦女=矣⑧(實)十七⑨前=先

化導始終之時。於過去世有法華結緣之輩。於爾前中且爲法華許於三乘當分得道。所謂種熟脫中熟益位。是尙迹門說。本門觀心時非是實義。一往許耳。論其實義迷。於如來久遠之本不知一念三千者永不可出六道流轉。故釋云圓乘之外名爲外道文。又說諸善男子樂於小法德薄垢重者。若爾者經釋共道理必然也。答雖有執難其義不可也。所以如來說教備機不虛。是以頓等四教藏等四教爲八機所設非無得益。故無量義經說是故衆生得道差別。誠知雖說終不得成無上菩提而非無三法四果之益。但是速疾頓成與歷劫迂回之異耳。非是一向無得道也。是故或有三明六通。或有普現色身菩薩。縱不修一心三觀以斷同體三惑。既以折智斷見思。何不出一二十五有。是故解釋云。若遇衆生令修小乘我則墮慳貪。此事爲不可。祇出一二十五有上。當知。雖說此事爲不可而有出界。但是不觀不思議空故。雖不顯不思議空智。何不於小分空解。若云以空智不斷見思者。非開善同無聲聞義。況今經者正直捨權純圓一實之說。學諸爾前聲聞得益。說諸漏已盡無復煩惱。又云實得阿羅漢不信此法無有是處。又說過三百由旬化作一城。若諸聲聞全同凡夫者。五百由旬一步不可行。又云。自於所得功德生滅度想當入涅槃。我於餘國作佛更有異名。是人雖生滅度之

①文=矣② ②折十(空)③ ③【事】一④ ④(若)十不⑤ ⑤【功德】一⑥